

BAREMO DE ATS/DUE, ENFERMEIRA ESPECIALISTA, MATRONA, FISIOTERAPEUTA E LOGOPEDA

I.- OFERTA PÚBLICA DE EMPREGO DO SERVICIO GALEGO DE SAÚDE.

Os exercicios da fase de oposición do derradeiro proceso selectivo vehiculada polo SERGAS consonte o Decreto 309/98 de 6 de novembro, polo que se regulamentan os procesos de selección para o acceso a prazas de persoal estatutario, sanitario non facultativo e non sanitario das institucións sanitarias do SERGAS coa aprobación das OPEs para os anos 1998-2000, ou que no futuro se convoquen ó abeiro doutras ofertas públicas de emprego para o Sergas (exclúense os procesos selectivos convocados o abeiro da Lei 16/2001:

A puntuación máxima posible para cada aspirante polo conxunto dos méritos deste apartado será de 18 puntos.

Por cada exercicio aprobado da citada fase, agás o de lingua galega, 9 puntos.

Para o caso de que a estrutura da fase de oposición dos futuros procesos selectivos fose modificada, con carácter previo á convocatoria que se realice ó abeiro deste pacto, a Mesa Sectorial procederá á ponderación da puntuación dos exercicios, tendo o referente da puntuación máxima por este apartado

II.- FORMACIÓN ACADÉMICA

A puntuación máxima posible para cada aspirante polo conxunto dos méritos previstos neste apartado será de 2 puntos.

1) Estudos de diplomatura de ATS/DUE, Logopeda e Fisioterapeuta, segundo o caso.

Por cada matrícula de honra: 1,5 puntos.

Cada sobresaliente: 1 punto.

Cada notable: 0,5 puntos.

A suma das puntuacións dividirase polo número total de materias avaliadas, expresando o cociente cos dous primeiros decimais obtidos

Non se valorarán as materias de idiomas, relixión, formación política e educación física, que tampouco se terán en conta para o cómputo do divisor.

2) Por premio fin de carreira: 0,5 puntos.

Somentes se valorarán para efectos deste apartado, os expedientes académicos e titulacións obtidos en España ou noutro país da Unión Europea, así como os títulos obtidos en estados que tivesen acordos bilaterais con España que supuxesen a validación das titulacións, sempre e cando os ditos títulos acreditasen a homologación dos estudos na súa totalidade, sen necesidade de períodos de formación adicional ou probas conducentes a avaliación dos coñecementos do interesado.

III.- FORMACIÓN CONTINUADA.

A puntuación máxima posible para cada aspirante polo conxunto dos méritos previstos neste apartado será de 5 puntos.

Pola asistencia, debidamente xustificada a:

- a) Cursos de formación e perfeccionamento acreditados pola Comisión de Formación Continuada do Sistema Nacional de Saúde ou pola Comisión Autonómica sempre que teñan un contido relacionado coas funcións propias da categoría á que se opta.

- b) Pola asistencia, debidamente xustificada, a cursos de formación e perfeccionamento convocados e impartidos pola Administración estatal autonómica, univesidades, INEM, Cruz Vermella, colexios oficiais de enfermería, organizacións sindicais ou avalados en debida forma polo SERGAS, ó abeiro das competencias da Comisión de Seguimento dos pactos de vinculación anteriores a este, sempre que teñan un contido relacionado coas funcións propias da categoría á que se opta.

- c) Cursos realizados en aplicación do acordo de formación continua das administracións públicas, que tiveron a súa virtualidade, entre outros, en organismos, institucións, organizacións acreditativas, ou no Plan de Formación Continua do SERGAS.

Por crédito: 0.25 puntos.

Por hora: 0.025 puntos.

Os cursos valoraranse preferentemente polos créditos que teñan acreditados.

No seu defecto o cursos valoraranse polas horas que resulten do certificado.

Para o caso de que o certificado indique os crédito e horas de duración a valoración realizarase sempre polos créditos que determine. En todo caso, os cursos acreditados pola Comisión Nacional de Formación Continua ou

convocados e impartidos polas Universidades deberán indicar nos seus certificados o número de créditos de correspondencia.

Non serán valorados os cursos realizados durante a especialización que estean incluídos no programa docente da especialidade correspondente.

Actualización da formación:

Non se computarán os cursos que teñan unha data de antigüidade, desde a data do seu remate, superior a 8 anos.

Xa que logo, nas convocatorias que se celebren ó abeiro deste pacto descontarase da puntuación deste apartado os cursos de convocatorias anteriores que acrediten a dita antigüidade, agás o previsto no parágrafo anterior.

Queda excluída da aplicación desta medida a formación superior de carácter oficial tal como masters ou formación que implique un grao de especialización oficial non incluída no apartado IV deste baremo. Neste último caso a puntuación que se obteña pola citada formación consolidarase para as futuras convocatorias.

Réxime transitorio da formación continua: Para a aplicación do novo baremo consolidarase a puntuación obtida na derradeira convocatoria celebrada ó abeiro do pacto anterior de selección para as vinculacións temporais (Resolución de 28 de decembro de 2001), que se tivese obtido polo apartado de formación continuada. Non obstante aqueles aspirantes que tivese acadado a puntuación máxima aplicaráselle unha redución de 0,20 puntos.

IV.- FORMACIÓN ESPECIALIZADA (SÓ PARA OS LISTADOS DA CATEGORÍA ATS/DUE).

A aplicación deste apartado do baremo afectará exclusivamente para a elaboración dos listados da categoría ATSDUE.

A puntuación máxima posible para cada aspirante polo conxunto dos méritos previstos neste apartado será de 4 puntos.

Polo título ou diploma dunha especialidade de enfermería que recoñeza a normativa vixente, expedido polo Ministerio de Educación e Ciencia: 2 puntos.

V.- EXPERIENCIA PROFESIONAL.

A puntuación máxima posible para cada aspirante polo conxunto dos méritos previstos neste apartado será de 24 puntos.

1) Por cada mes de servicios prestados en institucións da Seguridade Social dependentes do SERGAS ou noutras institucións sanitarias da Seguridade Social integrantes do Sistema Nacional de Saúde, fundacións e empresas sanitarias públicas da Comunidade Autónoma de Galicia na categoría, sempre que as citadas institucións outorgan un tratamento recíproco para a selección temporal do seu persoal ós servicios acreditados nas institucións xestionadas directamente polo Sergas: 0,25 puntos.

2) Por cada mes completo de servicios prestados na categoría en institucións sanitarias ou sociosanitarias públicas españolas ou dun país da Unión Europea: 0,10 puntos.

3) Por cada mes de servicios prestados na categoría en institucións sanitarias privadas españolas ou dun país da Unión Europea, ou pola participación en programas de cooperación internacional debidamente autorizados ó servicio de organizacións de cooperación internacional: 0,05 puntos.

4) Pola permanencia na lista especial (disposición 12 apartados 4 e 5 dos supostos especiais deste pacto) durante a totalidade da vixencia de cada pacto en que tivese virtualidade e sempre que se prestasen servicios continuados como consecuencia del: 2 puntos por cada ano, ou a puntuación proporcional para cada fracción cun máximo de 6 puntos.

VI.- DESEMPREGO.

A puntuación máxima posible para cada aspirante polo conxunto dos méritos previstos neste apartado será de 6 puntos.

Por cada ano, fraccionable en meses, en situación de desempleado total e non subsidiado dentro dos últimos 3 anos: 2 puntos (máximo 6 puntos).

O tempo de desemprego deberá acreditarse necesariamente coa achega do certificado de vida laboral expedido polo Instituto Nacional da Seguridade Social.

VII.- PUNTUACIÓN ESPECIAL E TRANSITORIA PARA A SELECCIÓN NO ÁMBITO DAS URXENCIAS EXTRAHOSPITALARIAS.

Valoración da participación no modelo transitorio establecido no pacto de urxencias extrahospitalarias de 30 de novembro de 1999.

Para a selección temporal no ámbito das urxencias extrahospitalarias elaboraranse uns listados específicos, de conformidade co baremo indicado nos puntos anteriores ós que se engadirá a puntuación deste apartado:

O persoal con nomeamento/s para a cobertura de atención urxente extrahospitalaria a que se refire o artigo 2.C) 3 da orde do 1 de xullo de 1997, modificada por orde de 22 de marzo de 2000, ou nomeamento que lle substitúa, outorgaráselle unha puntuación de 0,066 puntos por mes ata un máximo de 4 puntos.

A regra xeral de baremación será de cómputo do período asignado e dispoñibilidade de prestación polo período da garantía, tendo presente os supostos de interrupción de dita garantía por acceder a nomeamentos de longa duración fóra do marco da garantía citada ou por cambio de nivel asistencial.

Incluiránse tamén neste apartado os nomeamentos de atención continuada en urxencias extrahospitalarias, coa fracción de puntuación que corresponda ós días.

A comisión de seguimento do Pacto aclarará os supostos nos que a garantía de cobertura de atención urxente extra hospitalaria, que servirá de base para o cálculo desta puntuación adicional de urxencias extrahospitalarias, se entenderá interrompida.

VIII.- COÑECEMENTOS DA LINGUA GALEGA.

- 1) Pola realización do curso de iniciación de lingua galega: 0,5 puntos.
- 2) Pola realización do curso de perfeccionamento de lingua galega: 1 punto.

A puntuación máxima deste apartado é de 1 punto.